



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA LUKAVAC
OPĆINSKI NAČELNIK

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl. novine Federacije BiH", broj 12/03), člana 2. Odluke o utvrđivanju uslova i kriterija za imenovanja na pozicije u regulirane organe ("Sl. glasnik općine Lukavac", broj 6/04) i člana 1. Odluke o raspisivanju Javnog oglasa za imenovanje na pozicije predsjednika i članova Upravnih odbora Javnih ustanova kojima je osnivač općina Lukavac, broj: 02-02-1-852/13 od 29.05.2013.godine, Općinski načelnik objavljuje

JAVNI OGLAS

za imenovanje predsjednika i članova Upravnih odbora Javnih ustanova kojima je osnivač općina Lukavac

I Objavljuje se Javni oglas za izbor i imenovanje na poziciju predsjednika i članova Upravnih odbora Javnih ustanova kojima je osnivač općina Lukavac, i to:

1. Javna ustanova „Centar za kulturu“ Lukavac

- 2 (dva) člana iz reda osnivača
- 1 (jedan) član iz reda zaposlenih

2. Javna ustanova „Radio-televizija Lukavac“ Lukavac

- 2 (dva) člana iz reda osnivača
- 1 (jedan) član iz reda zaposlenih

3. Javna ustanova „Javna biblioteka“ Lukavac

- 2 (dva) člana iz reda osnivača
- 1 (jedan) član iz reda zaposlenih

II Kandidati trebaju ispunjavati slijedeće uslove:

A.) Opći uslovi:

- a) da su državljani BiH;
- b) da su stariji od 18 godina;
- c) da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od 3 godine prije objavljivanja upražnjene pozicije;
- d) da se protiv njih ne vodi krivični postupak, odnosno da nisu osuđivani za krivično djelo ili privredni prijestup, koji predstavlja smetnju za imenovanje na upražnjenu poziciju, u roku od 5 godina od dana izdržane, izmirene, zastarjele ili oprostene kazne;
- e) da se na njih ne odnosi član IX.1. Ustava BiH.

B.) Posebni uslovi:

- a) da imaju završenu višu odnosno visoku stručnu spremu odgovarajućeg zanimanja zavisno od djelatnosti reguliranog organa u okviru kojeg se kandiduju na odgovarajuću poziciju, odnosno zavisno od uslova utvrđenih posebnim aktom reguliranog organa;
- b) da imaju najmanje 3 godine radnog iskustva nakon sticanja visoke odnosno više stručne spreme, na poslovima u okviru svog zanimanja;
- c) da nemaju privatni finansijski interes u reguliranom organu za koji se kandiduju;
- d) da nisu članovi Upravnog ili Nadzornog odbora u više od jednog reguliranog organa.
- e) da nisu članovi Upravnog, Izvršnog ili drugog organa političke stranke.

III Za sve kandidate koji u potpunosti ispunjavaju opće i posebne uslove, u postupku konačnog izbora uzet će se u obzir i slijedeći kriteriji:

- veći stepen stručne spreme srodnog zanimanja;
- komunikativne i organizatorske sposobnosti;
- minimum znanja o organizaciji i djelatnosti reguliranog organa;
- sposobnost savjesnog i odgovornog obavljanja upražnjene pozicije;
- sposobnost nepristrasnog donošenja odluka,
- sposobnost upravljanja finansijskim i ljudskim resursima;
- naklonjenost timskom radu;
- rezultati rada tokom karijere.

IV Potrebni dokumenti

Pismene prijave kandidata treba da sadrže adresu stana i kontakt telefon. Dokumenti koji se prilažu uz prijavu na Javni oglas moraju biti originalni ili ovjerene fotokopije. Uz pismenu prijavu treba dostaviti:

- kraću biografiju sa adresom i kontakt telefonom,
- kopiju dokumenta-dokaza o stručnoj spreml,
- dokaz o radnom iskustvu,
- uvjerenje da se protiv kandidata ne vodi krivični postupak (ne starije od 3 mjeseca),
- uvjerenje da kandidat nije osuđivan za krivično djelo ili privredni prestup koji predstavlja smetnju za imenovanje na upražnjenu poziciju u roku od 5 godina od dana izdržane, izmirene, zastarjele ili oprostene kazne (ne starije od 3 mjeseca),
- uvjerenje o državljanstvu (ne starije od 6 mjeseci),
- ovjerenu izjavu kandidata na okolnosti iz tačke II.A oglasa pod c) i e) i na okolnosti iz tačke II.B oglasa pod c), d) i e).

Mandat predsjednika i članova Upravnog odbora je 4 godine, uz mogućnost ponovnog imenovanja.

Naknada za rad Upravnog odbora odredit će se u skladu sa Odlukom Općinskog vijeća.

Oglas ostaje otvoren za podnošenje prijava 15 dana od dana objavljivanja u "Službenim novinama Federacije BiH" i jednom dnevnom listu, računajući od dana posljednjeg objavljivanja.

Prijave sa potrebnom dokumentacijom mogu se dostaviti lično pisarnici općine Lukavac (prizemlje zgrade Općine Lukavac) ili preporučenom poštom u zatvorenim kovertama na adresu:

**Općina Lukavac, Trg slobode br. 1 – 75300 Lukavac.
sa naznakom Javne ustanove za čiji Upravni odbor se vrši kandidovanje**

Sve prijave koje stignu u propisanom roku pregledat će Komisija za izbor koju imenuje Općinski načelnik i koja će sastaviti listu sa užim izborom uspješnih kandidata koji ispunjavaju uslove i kriterije za imenovanje.

Svi kandidati sa liste sa užim izborom bit će pozvani na intervju.

Nakon intervjua Komisija za izbor će putem pismene preporuke predložiti rang listu sa najboljim kandidatima Općinskom načelniku na daljnje razmatranje i konačno imenovanje koje vrši Općinsko vijeće. Konačna imenovanja će se objaviti u "Službenim novinama Federacije BiH".

Podnosioci prijava s kojima se ne stupi u kontakt u roku od 7 dana od isteka roka za podnošenje prijava neće biti uzeti u razmatranje u daljem postupku kandidovanja.

Neblagovremene i nepotpune prijave neće se razmatrati.

Broj: 02-02-852/13
Lukavac, 30.05.2013.godine

OPĆINSKI NAČELNIK
Dževad Mujkić,dipl.pravnik

D o s t a v i t i:

- „Službene novine FBiH“
- Dnevne novine
- Služba za opću upravu, privredu i društvene djelatnosti
- Komsija za izbor
- Evidencija
- Arhiva